


1613_057.jpg




Seconde Continuation. 57

itions necessaires pour se faire voye si les habitans de Vetzlar luy refusoient la porte. A la poincte du iour estât arriué prez de Vetzlar, & descouvert par la sentinelle du clocher, toute la ville en fut fort esmeué: La veüe du Prince si prez de la ville auégla l'entendement des habitans, les vns courans aux armes, & les autres au Conseil pour resoudre ce qu'ils feroient. Mais en vne heure le Landtgraue ayant fait placer & pointer trois canons prests à tirer, les Vetzlariens se voyans surpris, prirent le chemin de l'obeissance, & luy ouurirent les portes de leur ville, où il entra avec tous ses gens de guerre, plaçant son canon aux aduenües du marché. Ainsi sans coup ferir le Landtgraue par preuoyance & diligence se rendit maistre de Vetzlar, & y establit vn Gouverneur à sa deuotion; & les habitans en perdant leur pretention, deuinrent subjects, & furent quittes pour lors de nourrir les soldats vne seule iournee: car dez le lendemain ce Prince s'en retourna à Giessen avec ses freres, content de ce qu'il auoit finy ce differant sans trouble.


La rude saison de l'hyuer contrainct assez les Roys, & les Souuerains de dōner trefues à leurs armes: Elle fait qu'ils se retirent aux villes, où traitans de leurs affaires ils ne laissent pas de se donner de la recreation & du trauail, par de beaux & gentils exercices, en attendant que le printemps leur ouure la commodité de l'execution de leurs hautes entreprises. Tous les Archiducs d'Autriche s'estans rendus à Vienne prez

*De ce qui se
passa au Car-
rousel fait à
Vienne en
Autriche.*

1613_058.jpg



1613_059.jpg



Seconde Continuation.

59


vne fille à cheual, vestuë d'vne gaze d'or rouge, tenant vn cœur en sa main : deux autres filles à ses costez, l'vne vestuë de gaze d'or bleu, & l'autre de gaze d'argent. Des Trompettes : Des Tambours d'airain : Trois Escuyers vestus de gaze d'argent & bleu, Celuy de costé droict portoit vn Soleil, & le gauche vn Iris. Puis suivoient les Cheualiers de l'Empereur ayans leurs vestemens en Anciens Romains, & leurs chevaux tres richement caparaçonnez. Apres eux estoient nombre d'Escuyers avec lances peintes.

II. La seconde troupe estoit celle des Archiducs. Les couleurs estoient de blanc & verd. Deux Vierges montees, l'vne sur vn Elephant, l'autre sur vn Crocodile : Plusieurs personnes masquées : Six trompettes : Les Archiducs avec la lance, ayans aussi leurs vestemens d'vne façon à l'antique, la coiffure de toile d'argent, les pernaches verds, & leurs chevaux caparaçonnez des mesmes couleurs : Deux filles, l'vne vestuë de gaze verte, tenant vn ancre d'argent : l'autre de gaze d'argent tenant vne bague d'or. Dix Estafiers, & trente Escuyers tenans chacun vne lance peinte.

III. La troisieme estoit le Marquis de Megav, avec six Cavaliers ayans l'armet en teste, la lance en main. Les couleurs estoient de bleu, blanc & incarnat.

III. La quatrieme estoit le Baron de Chenehuller, lequel faisoit cheminer devant luy vne Machine en forme de theatre, sur lequel

1613_060.jpg



60 M. DC. XIII.

estoit vn Mercure & quantité de Musiciens assis: Et au milieu vne Venus, & vn Cupidon avec son carquois, ayans à leurs costez trois beaux ieunes villageois, & trois belles ieunes villageoises tous nuds. Apres ceste Machine suiuoient six Cheualiers, avec la lance. Leurs couleurs estoient de verd & incarnat.

V. La cinquiesme estoit le Comte de Harat. Vne troupe de Musiciens. Vn char faict cōme vne Baleine trainé par deux Licornes, dans lequel estoit aussi vne Venus, & vn Cupidon tenant vn dard, son carquois au col: Au milieu du Char estoit vn grand arbre verd, & vne belle fille ayant ses cheveux esparpillez sur les espaulles. Quatre Cheualiers. Leurs couleurs estoiet de blanc & iaune doré.

VI. Les Seigneurs de Hoyes menoient la sixiesme troupe. La Machine estoit, vn Mont-Parnasse, avec le Pegase au haut, & la fonteine. Au pied & au deuât du mont estoient des hauts-bois, des Musiciens, & vn Mercure au milieu de plusieurs filles assises. Au derriere du mont estoit aussi, Vne fille assise vestuë de toile d'argent, ayant sur sa teste vne Lune, & proche d'elle trois grands chiens noirs, lesquels au lieu d'abbayer chantoient avec elle, & respondoient aux Musiciens de deuant. Apres ceste machine venoient six Estaffiers, puis les deux Seigneurs de Hoyes vestus aussi à l'anciēne Romaine, ayans chacun vne couronne de laurier sur la teste.

VII. Le Comte de Losenstein auoit la con

1613_061.jpg




Image issue du site mercurefrancois.ehess.fr - Cliché (c) Cécile Soudan